

地 340.233

42.1

11

陸川縣志

林壽棠題
籤
圖
題

第 壹 冊

卷首

重修序

原序

重修銜名

凡例

總目

卷一

圖繪

輿地圖
建置圖

卷二

輿地類一

疆域
星野
機祥

沿革
氣候

山川上

中華民國十二年重修

陸川縣志

呂春瑄署



縣賓興

館藏板

陸川重修縣志序

有明萬曆己卯間始興彭君懋祖知縣事陸川創爲縣志是爲陸川有志之始見於內閣書目而傳本蓋尠其後八十餘年時爲康熙初縣令新繁方君鼎續之板旋燬越六十餘年時爲雍正丁未縣令大興謝君錫侯重行搜輯又三十年時爲乾隆丙子縣令廣元石君崇先又續之僅傳鈔本自乾隆至今又百六十餘年矣時移事貿紀載闕如卽鈔本且飽魚鼠之腹矣時乎時乎其可無續乎民國七八年間余承乏斯土適國史館遍徵天下郡縣志乘以上未有以應也邑有清名進士呂大令哲臨先生余年家丈人行請其出任重修陸志乃集士大夫謀所以

陸川縣志

卷首

重修序

經營而纂組之者事甫籌辦會遷秩去未遑鉛槧嗣是諸薦紳網羅散失分門排纂砢砢不少休以五年之力始克告成計二十四卷都三十萬言授梓有日矣郵書跡余南甯警察廳署且屬一言弁其首聞之馬端臨氏有言修史之難無出於志寡學識則抉擇不精昧義例則部居不整尚簡徑則事不周詳蹈故常則辭不典核求四者之無憾蓋戛戛其難之今觀所纂圖以最其全表以約其要輿地建置經政物產之爲考名宦鄉賢忠孝義烈之爲傳綱舉目張條理不紊得不謂之精以整乎歐史列傳創例有死事一行義兇伶官宦者六臣諸目明史列傳創例有土司流寇奄黨諸目皆隨時世爲增益與前史不必盡同

今子目多至七十視乾隆志且倍之事增則文不得不增上下
千數百年一展卷間瞭如燦如得不謂之周以詳乎龍門載筆
時稱世本太平集覽亦注書名今引用羣籍條條分注事祇求
其徵實文豈必自己出所謂無一字無來歷也得不得謂之典以
核乎異時上之史宓余知蘭臺石室之儒操簡書而著錄者其
將有取於斯余既喜呂大令偕士大夫之相與有成也因綜其
終始以示後之人民國十三年夏正甲子秋七月永淳古濟勳
謹識於南甯警察廳署

陸川縣志

卷首

重修序

二

原序

清雍正五年五月
陸川縣知縣謝錫侯撰

僕古燕之鄙人也嘗訪學秦楚間見華岱九嶷之雄閱黃河洞庭之險巍巍浩浩著乎兩間嗟彼河山其乾坤留此以志不朽與因思古人之德業文章宏勳偉烈託史以傳之亦即巍巍浩浩著乎兩間不朽之河山也甲辰春僕膺寵命領嚴訓來宰此邦戴星而出者還戴星而入非選事不敢有所要庸以抒夙昔耳未幾索所謂志從來吏攜手錄者數十頁蠹魚且飽其半矣陸雖小邑亦宜圖於版章垂有明三百年興朝將百載而志之一書無憑考求倘當時之未遑問焉耳奈之何哉爰詔邦之良士輯其散亡或旁求或昭著僉集其概重以典確有關世道人心者裒爲數冊雖不敢謂全豹畢陳亦已得窺見一斑聖人曰十室之邑必有忠信又曰採風謀野不遺下里是役也閱兩載許矣向非勤而羅致將此地不同朱張湮沒而僅以名存也幾希請誌之謂誇既往以伐將來吁鄙人不忍爲此態也

陸川縣志

卷首

原序

心者裒爲數冊雖不敢謂全豹畢陳亦已得窺見一斑聖人曰十室之邑必有忠信又曰採風謀野不遺下里是役也閱兩載許矣向非勤而羅致將此地不同朱張湮沒而僅以名存也幾希請誌之謂誇既往以伐將來吁鄙人不忍爲此態也

原序

清乾隆二十一年八月提督廣西學政 許道基撰

陸川之爲縣山則有天馬鳳凰文龍綠袍東震奎嶺之高且奇
水則有烏江妙洞崑崙六冷火甲伏波之深且長土腴可耕民
樸可教景幽氣淑可遊可歌介兩粵高鬱二郡之間左北右白
面化枕鬱地踰方百里雖未可云通都大邑若以置齊晉吳楚
則亦奧區善國也隋始立邑旋省唐復置迄宋元明不改以至
於皇朝總古今隸屬凡幾易交越容梧鬱陸之四封如故蓋粵
縣得名自古者矣縣古則事積事積則籍多緬千餘年中地脉
盛衰人爲得失繩貫絲聯可也觀指知歸可也顧竟不盡然豈
非積而隨佚事曷稽多而無統籍皆去乎夫朝家載籍如元和

陸川縣志

卷首

原序

郡國太平寰宇元豐九域寰宇通志諸書非不周徧浩博然繪
荒服一隅於王會之圖形不得不渺紀不得不略且其行遠而
傳久勢不得不難今之志郡邑者所據以立幹惟行省通志而
已揆通志之始必下郡邑履徵故職詳而上之舉要而書之方
其上也居然有郡邑志焉合衆志爲一志範鑄精簡通志之體

何卽曩時所上既經範鑄者復依約敷衍散一志爲衆志
有是體乎是其病也由履常之不預臨文之不暇傳舍視官遽
廬視地胥鈔視志乘期會視纂輯雖歲增月新無當於紀實垂
後矧以爲緩而置之哉我朝鼎建百年以來令陸數十輩有志
創述者前惟方後惟謝僅有崖畧未見成書乙亥冬石侯近野

攝陸篆慨然以復古新化修廢舉墜爲心所行必規其要所志必觀其成修志特一事而尋繁領雜務信棄奇絜綱領明義例秉筆荷擔半載就厥緒而石侯以賢能移紫泉矣猶亟亟以關雕爲已任前無需後無諉何政之不咸然非私厚於陸也石侯予年家丈人行令秦中十稔屢當大邑一以此心成政陸之志適有藉焉夫邑立於千年以前志創於千年以後嗚呼非偶然也予故略溯緣始而樂爲之序繼石侯者同里張侯可亭予弟右榭同年生也通洽英敏實成石侯之願者云

陸川縣志

卷首

原序

原序

清乾隆二十一年
鬱林直隸州知州 俞

成撰

陸川爲鬱屬故巖邑也其舊志殘燬已無可考今所存者惟前
令謝君數帖而已乙亥冬西蜀石君來攝是邑石君名孝廉居
官有聲甫下車地方諸務一切次第舉行縣志其一也夫志之
難作也其所載者固不出乎一邑之中而其義例體裁與正史
等石君因其舊籍詳爲考訂予以芟繁補缺不漏不支體裁雅
而義例明固已斐然可觀矣方且勒成一書登諸梨棗深喜用
志之精勤而赴功之迅速也於志之成樂得爲之序

陸川縣志

卷首

原序



原序

清乾隆二十一年
署理陸川縣知縣石崇先撰

國家定制疆域爲都爲省以至郡邑又各籍其境內山川風物
文獻科條諸所因革使輯爲一書命之曰志所從來久矣夫郡
邑之志卽古列國之史也體國經野觀風範俗稽故實於當年
回醇風於遠古其關於治術亦綦重矣我國家加意右文旣集
儒臣纂修實錄以成信史復敕外省郡邑修輯志乘搜括遺賢
蓋欲使遐陬僻壤無遠弗届可按籍而考披圖而悉以崇車書
一統之大觀也乙亥冬崇先攝篆陸川詢所謂縣志舊板已燬
僅得謝重修抄本殘闕無稽爰集紳士大夫計爲重輯衆歡躍
從事第崇先以簿書末吏愧乏三長敢以管窺之見肩筆削之

陸川縣志

卷首

原序

任乎但旣撫其疆域而不辨其廣袤治其人民而不知其風俗
亦重負朝廷簡任之意與各憲期望之心爰偕邑文學輩廣爲
搜採疑者闕之信者傳之稟請州憲俞公總裁參酌考訂潤色
成編以仰副聖天子考古究今纖悉無遺之盛意云爾

重修陸川縣志銜名

督修

南甯水陸警察廳廳長前陸川縣知事清拔貢生古濟勳永淳人

總纂

清道銜安徽祁門縣知縣進士呂溶堃

廣東候補縣知事清花翎同知銜樂昌澄海東莞等縣知縣進士范晉藩

分纂

清雲南試用直隸州州判副貢生劉振芸

廣東候補縣知事清花翎同知銜補用縣知縣舉人呂炳綸

保准縣知事清五品銜廣東補用縣丞增貢生李興孫

陸川縣志

卷首

重修銜名

安徽候補縣知事清銜直隸州州判恩貢生呂炳昇

繪圖

縣中學校畢業生羅士瑛

采訪

清五品頂戴附貢生劉福祜

清優增生呂祖德

清附貢生林炳煥

清附生吳立奎

清附生李超雲

廣東高要縣警察分所長清巡警學堂畢業附生李濟榮



清

附

生羅朝幹

清

附

生呂炳昌

清

優

附

生溫熊祥

清

監

生呂沛源

鬱林師範傳習所畢業

生姚宇棟

縣師範簡易科畢業

生呂繼棟

廣東師範簡易科畢業

生謝慶芬

梧州初級師範完全科畢業生陳旭青

梧州初級師範完全科畢業生羅士統

鬱林中學校畢業生劉名賢

陸川縣志

卷首

重修銜名

鬱林中學校畢業生邱宗球

縣中學校畢業生謝緯英

縣中學校畢業生呂峻仁

縣高等小學校畢業生王錫琨

膳錄

縣中學校畢業生劉培華

縣高等小學校畢業生戴家仁

庶務

鷹揚高等小學校肄業生呂榮光

三英高等小學校肄業生呂元材

陸川縣志凡例

一石志分十八綱每綱爲一卷未嘗不舉綱挈目展卷瞭然然有事過少而宜合併不相類而須易置因時勢而應增進者今略爲變通可因因之可併併之刪冗補缺爲圖一類七表一錄二編一爲卷二十有四非敢云作也但斟酌損益以求相適耳

一石志雖有輿圖一綱圖已散佚無存今照縣界二十堡各按定位計里開方繪爲全圖庶幾收百里於尺幅運一縣若指掌又每堡增繪分圖俾桑梓地理一目了然至城池廨署學宮賓興館爲縣中建置之大者并各繪圖以備觀覽

陸川縣志

卷首

凡例

一志乘爲地理專書其要首在疆域沿革我邑自隋建縣訖今分併增省名實同異最爲紛糾疆域不明無以知轄治廣狹沿革不明無以知隸屬變遷卽山川人物亦無一不誤今疆域遵石志沿革則標明朝代并博引史志及專家之書於後以資參考

一漢書地理志兼紀天文後之作方志者多仿之據通志陸川當爲翼軫分野今節錄通志所引天文數說以備一格至氣候關乎農時禱祥徵乎天象然皆隨地而異亦志地者所當連彙而及也茲氣候就石志略加刪潤禱祥則乾隆二十一年以前皆仍石志後則參錄北流縣志及詢諸高年據以增

一鄭樵謂地理當主山川以山川千古不易也石志於山川所載甚簡山脉水源尤爲疏略今據訪冊增補至今昔異名者則於下標明而以八景附其末

一陂塘水車以資灌溉水碾水碓可代人力皆爲地方之水利其坐落何方何時何人修造今皆詳紀

一畫清鄉堡則便於分治列明村莊則易於稽查要隘爲守禦所關風俗爲民情趨向均所宜知今皆編入輿地類

一城池廨署設於立縣之初其規模制度以及創修年月人名均關典要石志紀載頗詳今多因之其後重修添建者爲之

陸川縣志

卷首

凡例

續增

一塘汎爲清綠營分防地久已廢置石志所載與檔案可稽者今并存之街市爲商賈所居路鋪舊主傳遞今名存實異改爲貿易之所亦與商務有關故詳細登記

一壇廟所以事神載在祀典然有非列祀典而建廟者似屬淫瀆宜從刪汰惟古今地志例記伽藍古刹禪林亦每供詞人懷詠故石志另列寺觀一目今采訪所報凡曰廟曰庵曰寺曰觀曰堂曰閣曰樓曰祠無非奉神之地故以壇廟括之至孔聖先師廟詳於學校而壇廟則仍列其名

一津渡橋梁以利行人寨堡所以禦亂坊表所以旌善局所所

以辦公皆建置而有關政治者至城市舊基廨署故址壇廟遺蹟及名人塚墓亦一縣之勝蹟今皆備載

一通志仿漢書百官公卿表例作職官表首詳官制次譜官名其法最善今以爲宗我邑自隋閱唐宋元數朝官制可考官寮之名難稽通志列宋主簿一人元縣尹二人石志於明祇載知縣丞簿教官清亦祇載知縣教官其巡典武職兩朝均付缺如民國改元檔冊毀失清乾嘉以後不特教官不能備記卽知縣亦多遺漏文獻無徵姑從缺略亦時勢使然也

一循吏列於史名宦載於志其義一也第史傳必原始要終著爲定論地志則政績偏端無妨節錄服官斯土功德及民與陸川縣志

卷首

凡例

三

殉難死事者無論祀名宦祠否均將其事實敘列輯爲宦蹟錄石志名宦宦蹟篇已經散失今據各碑記補敘無可據者則存其名而缺其事

一典制所頒檔冊所載有司見行事例爲一方之經政石志將賦役課儲兵政分列爲綱似泛而無統賦役田租雜稅鹽課爲國家之征收祀典俸廉廩給役食雜支爲經制之支出倉儲以備荒兵制關武備團練禦土匪郵政司驛傳雖古今異宜隨時改革要皆一縣不可缺之政今統編爲經政類

一海康武功志學校入建置蓋學校爲建置中大事於義亦當通志援以爲例惟學校所以儲才科舉停罷又爲士子出身

之路事甚隆重似宜別立門類石志以學宮并學校今仍其舊惟錄典制典禮題贊碑訓條約祝文及鄉飲酒禮於後此乃率土所同非陸川獨行之典禮至今又不適用概從刪削至學額爲清明二代之制今特詳其顛末

一考棚書院賓興義學昔爲試士育才之地今或改設學校或撥款辦學其修建年月人名與款項從來均與教育有關今皆詳載有田租者并附列於後

一清末至民國邑中設各級學校前有官立公立私立之分後有縣立區立名目今一一詳錄中校及高小校校長緣有外縣人充當故不列於紳董而附在校後中學以上畢業生一

陸川縣志

卷首

凡例

四

體附志高等小學校畢業生得獎勵者編附未得獎勵者因名數太多難以遍載

一人傑地靈人物實關一邑之運會通志選舉列表而人物編爲列傳郡邑志多宗之陸川彈丸小邑非有循良文苑儒林隱逸等目之可分以言作傳似爲非宜茲編人物類分目詳記間有經名人作傳者石志載於藝文今仍因之

一登科有記昉自唐崔氏顯慶之書宋洪氏記制舉詞科稱爲最備各方志多沿其例元以前進士科行之最久明增舉人一科貢則有恩拔副歲清因之而增優貢進士榜下有明通貢有朝考鄉會試均有恩賜科舉停罷又設舉貢會考生員

考職以廣出身我邑舉進士不第可考者元代二人石志列於選舉之首今仍之並將明清二代邑中進士舉貢及考試得官者各按朝代科分年分譜其名次登武科者亦均記名三學武生雖未登薦舉而名列膠庠附之於後

一 通志不另編仕宦祇於選舉名下注明官階但入官有襲廕勞績納粟各途不盡由於選舉均爲國家宣力亦屬名位似不宜棄置縣中仕宦石志於元代惟載文職二人餘無考自明訖清乾隆二十一年石志分文武職編列今皆照登缺者補之後則據訪冊增之一以經制爲斷委差概不攔入間有充當要差亦只附其本職之下實官封贈附志於後民國肇陸川縣志

卷首

凡例

五

造官制浩繁或各省自爲風氣尤爲複雜姑就訪冊所報備記其有文職兼武職或武職兼文職者各附見本職下不另分列應如何別擇留俟來者

一 石志於兵政列團總額數而不具姓名蓋因無例可援也然自清道咸以後土匪充斥端賴團紳集練防勦方保安甯清季至民國縣設辦學機關而自治會教育會商會農會皆爲地方之法團國會議員省議會議員又有參與全國全省立法之權於縣屬治安均有關係今斟酌時宜特爲增記

一 名宦鄉賢爲一方俎豆之專稱例當定自朝廷非方志所可私許但服官異地政績昭著而祀該處名宦品學優粹有功

名教而祀本邑鄉賢皆經奏准非同私濫石志編鄉賢於人物綱而附名宦於秩官載祀縣名宦祠者至邑人祀他方名宦不另列目而附見於鄉賢勳德孝行鄉評各目內未免輕重倒置今將名宦鄉賢分目其祀他方名宦而并祀縣鄉賢者於名宦敘其事而鄉賢仍列其名

一爲地方禦匪而殉難捐軀事父母竭力而能人所難例得表揚石志有義勇孝行二目然死事有官紳不祇勇丁孝屬以行未免太泛今改爲忠烈孝子祀本邑忠義祠者照編未入祠而確因勦匪遇害亦爲補記黎龐二孝子奉旨旌表附祀學宮宜爲之冠至未旌表崇祀而經學使賜額褒揚及爲興

陸川縣志

卷首

凡例

六

論所推許者今均采增

一邑有大故能極力幹旋轉危爲安辦地方公益而疏財仗義在鄉里隱處而品端學粹例得敘獎均應登記以資風勵石志以勳德鄉評分目泛曰鄉評義亦太廓勳德則寥寥二三人亦有事屬勳德而列在鄉評者今勳德因石志刪去鄉評增入義行學行將舊載鄉評者按其實事改編於勳德義行學行目內遺漏者采補後來者據訪冊及公論續增

一矢志柏舟誓死不辱巾幗而有鬢眉氣足光彤管亟宜表彰石志節烈首稱某氏次列夫名婦不繫夫名稱未順通志本漢書列女傳例題曰某人妻某今遵用之先標夫名次稱某

氏父母翁姑特別有名者順爲敘及子孫通顯附見於下已旌與建坊入祠者各按先後編列未旌而經學使賜額及守節年歲例合旌表者均皆詳載庶免湮沒

一壽民爲國家人瑞歷代皆重例得請旌建坊今不論男女凡壽臻百歲及八十以上而五代同堂者概爲記載已旌與建坊者於條內敘明

一通志編物產於輿地略取物生於地之義石志附物產於風俗綱本土俗物產之說然物產爲民生之食貨關一方之財賦最爲重要今編爲物產類而以植物動物礦產製造品分目

陸川縣志

卷首

凡例

七

一宋施宿會稽志有討賊平亂二篇此地志之兼紀兵事者也鬱林州志宗之我邑自隋訖明迭遭兵燹清道咸間萑苻遍地經官紳勦歷十餘稔始救平清末及民國匪風益熾旋滅旋起幾無甯宇今博采前籍并訪諸遺老詳紀其事以資考鏡

一奇異不經見之物與神鬼荒唐之說本難憑信然獲麟書於春秋神降石言見於左氏歷代史志亦多紀怪異今照訪冊所列輯爲雜錄

一宋孝王關中風俗具載藝文爲地志著錄之祖范成大吳郡志以詩文分注於山水人物各條之下其例最善惟我邑僻

處一隅非獨無著述大家即題詠亦寥寥無幾欲附綴各條恐掛一漏萬有同畫虎石志藝文綱載記序傳詩賦各體今概不敢棄而擇新采者續之其有關縣之事蹟建設政治風化者雖外人所撰亦必登載邑人所撰間有與縣無關者惟其文工故不舍置

一石志於每綱之首弁以小序茲將分類列目之故詳具於右不更爲小序以省冗贅其有當考證者各附本條之下

一是書本石志者必於條下注明至徵引羣書及摘取通志參錄各郡邑志者均注原書之名以著所自

一編輯截至民國十二年底止十二年後事留以有待

陸川縣志

卷首

凡例

八

陸川縣志類目

卷一

圖繪 輿地圖
建置圖

卷二

輿地類一 疆域
氣候

沿革
禮祥

星野
山川上

卷三

輿地類二 山川下
要隘

水利

卷四

輿地類三 鄉堡
風俗

村莊

卷五

陸川縣志

卷首

類目

建置類一 城池
路鋪

縣署
壇廟

塘汛
津渡

街市
橋梁

卷六

建置類二 寨堡
局所

坊表
古蹟

卷七

職官表

宦蹟錄

卷八

經政類 賦役
廩給

田租
役食

雜稅
雜支

祀典
倉儲

俸廉
監課

兵制
郵政

團練

卷九



學校類一 學宮 書院

學額 賓興

考棚 義學

卷十

學校類二 各級學校 校長附

國民學校 畢業生附

卷十一

人物類一 選舉上

卷十二

人物類二 選舉下

卷十三

人物類三 仕宦上

卷十四

陸川縣志

卷首

類目

二

人物類四 仕宦下

卷十五

人物類五 紳董

卷十六

人物類六 名宦 勳德

鄉賢 義行

忠烈 學行

孝子

卷十七

人物類七 節烈上

卷十八

人物類八 節烈下

卷十九

人物類九 壽民

卷二十

物產類 植物 鑛產 動物 製造品

卷二十一

兵事編

卷二十二

雜錄

卷二十三

藝文類一 記

卷二十四

陸川縣志 卷首

類目

三

藝文類二 序 傳 疏 賦 詩 啟

卷二十五

卷二十六

卷二十七